

folget nun von der farb. Aristoteles/ Plinius vnd andere Philosophi sagen/  
daß kein Thier s. v auff der Welt/ daß mancherley Augē habe/ als der Mensch  
vnd die Rossz.

Was nun die Rossz betrifft/ so sind diß die allerbesten Augen/ die schön  
liechtesten braun/ klar vñ lauter sind/ also daß sich einer darinnen sehen mag/  
gleich wie in einem Spiegel/ vnd so sie schon etwan klein/ so ist daran so viel mit  
gelegen/ Wann sie nun schon festenbraun/ hell vnd lauter sind/ vñ ob wohl  
die schwarze Rossz von Natur kurzes Gesichts/ so habe ich doch befunden/  
wann sie solche festenbraune Augen haben/ das ihnen am Gesicht gar nichts  
abgehet/ vnd wann et wan ein solcher Kapp noch gute weisse Zeichen darzu hette/  
so wer: er mir so lieb als einig Rossz/ so gleich die allerbeste Farb hette/ die im  
einer wünschen möchte.

Vnd dann zum andern/ so findet man schwarze Augen/ deren sind viel  
lerley/ je eine dunkeler als die andere/ Darvon ich aber keine bessere Regel ge  
ben kan/ dann all: in je schwärzer vnd dunkeler sie sind/ je ärger sie auch sind/  
(vñ angesehen/ daß etliche auß den alten Scribenten solche fast loben) vnd son  
derlich/ wann sie vmb den Augapffel einen weissen Ring haben/ gleich wie ei  
nen Bolcken/ darfür sich einer wol sol hüten/ Den sie werden gern gar blindt/  
je klärer aber/ vnd je liechter die Augen sindt/ je besser sie auch sindt/ das wirdt  
nimmermehr fehlen.

Ferner vnd zum dritten/ so findet man grauwe Augen/ so etwas weni  
ges braun vmb das liechlin/ schier wie an den Katzen/ die man dan Lateinisch  
Glaucos neñet/ die helt man für gar gut/ sollen freydige Ross seyn/ die derglei  
chen Augen haben/ vnd sonderlich sind sie auff den gejaldern zugebrauchen/ se  
hen bey Nachts vñ dem Mondschein/ auch auff dem Schnee gar wohl: Des  
Kensers Augusti köstlichste vnd liebste Rossz haben solche Augen gehabt/ wie  
wir dann geschrieben finden bey dem Plinio/ daß der Kenser Tiberius derglei  
chen Augen sol gehabt haben/ vnd daß er auch vmb Mitternacht in aller fin  
sterin eben so wol gesehen/ als vmb den Mittag/ welches wol frembd zuhören.

Zum vierdten/ die Glasz oder Burg Augen sind nimmermehr gut/ ob  
wol dieselbige Rossz die tugendt haben/ daß sie fast hurtig werden/ wann man  
sie abricht/ Diese farb ist von den obern in dem vnterschiedlich/ daß sie viel  
weisser sind.

Zum fünfften/ die Rossz so viel weiß vmb den Augapffel haben/ sind vn  
treuw/ dückische Rossz/ vnd eines bösen temperaments/ kollern gern/ oder wer  
den gar vnsinnig/ wann man inen mit Alderlassen nicht wol wartet.

Zum sechsten/ findet man wohl Rossz/ die zwoyerley Augen haben/ als  
nemlich/ das eine schwarz/ oder braun/ das ander grau/ wie man dann schrei  
bet/ daß der Bucephalus sol gehabt haben/ ist aber nicht ein guts Zeichen/ dan  
dieselbige Rossz sehen gar vbel/ vnd ein dinge nicht einmal/ wie das ander/  
nichts desto minder/ sind solche Rossz bey den Parthis in gar hochem wehrt/